

## 1. ხელშეკრულებაში გამოყენებული ტერმინთა განმარტებები

1.1. "ხელშეკრულება სახელმწიფო შესყიდვის შესახებ" (შემდგომ - "ხელშეკრულება") – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. "ხელშეკრულების ღირებულება" - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.

1.3. "დღე", "კვირა", "თვე" - კალენდარული დღე, კვირა, თვე.

1.4. "მომსახურება" – ხელშეკრულების მე-3 მუხლით გათვალისწინებული ხელშეკრულების საგანი.

## 2. ხელშეკრულების დამდები მხარეები

ერთის მხრივ, შპს "კია მოტორს ჯორჯია" წარმოდგენილი მისი დირექტორის მიხეილ ბაჩიაშვილის სახით (შემდგომში "მიმწოდებელი") და მეორეს მხრივ სსიპ – სურსათის ეროვნული სააგენტო (შემდგომში "შემსყიდველი") ვდებთ წინამდებარე ხელშეკრულებას და ვთანხმდებით შემდეგზე:

## 3. ხელშეკრულების საგანი.

3.1. ხელშეკრულების საგანს წარმოადგენს სსიპ – სურსათის ეროვნული სააგენტოს მიერ 2017 წლის 30 ოქტომბერს გაფორმებულ N10/10/PROC-2017 ხელშეკრულებით შეძენილი ერთი ერთეული ავტომანქანის (დანართი N1) ფასიანი საგარანტიო - შეკეთებისა და ტექნიკური მომსახურების შესყიდვა (CPV 50112000).

3.2. საგარანტიო მომსახურების პირობები განისაზღვრება 2017 წლის 30 ოქტომბერს გაფორმებულ N10/10/PROC-2017 ხელშეკრულებისა და სერვისის წიგნის შესაბამისად.

3.3. იმ შემთხვევაში, თუ ავტომობილებს დასჭირდა ფასიანი საგარანტიო მომსახურების გარდა სხვა პროფილაქტიკური სამუშაოები, მხარეები თანხმდებიან, რომ მომსახურება განხორციელდება სერვისცენტრში არსებული პრეისკურანტის საფუძველზე (დანართი N2).

3.4. სახელმწიფო შესყიდვების შესახებ საქართველოს კანონის მე-10 მუხლის „თ“ ქვეპუნქტის საფუძველზე.

## 4. ხელშეკრულების ღირებულება.

4.1. ხელშეკრულების ღირებულება შეადგენს 2000 (ორიათასი) ლარს საქართველოს კანონმდებლობით დადგენილი შესაბამისი გადასახადების გათვალისწინებით.

4.2. დაფინანსების წყარო - სახელმწიფო ბიუჯეტი.

## 5. მხარეთა უფლება-მოვალეობანი

5.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;

5.2. შემსყიდველი ვალდებულია გადაიხადოს მომსახურების გაწევის ღირებულება ხელშეკრულების პირობებისა და ვადის გათვალისწინებით;

5.3. მიმწოდებელი უფლებამოსილია მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულების პირობებისა და ვადის გათვალისწინებით;

5.4. მიმწოდებელი ვალდებულია:

5.4.1. გასწიოს მომსახურება დადგენილი ხარისხითა და სტანდარტებით მითითებულ სერვის ცენტრში: ქ. თბილისი, დავით აღმაშენებლის ხეივანი, მე-2 კმ; კია მოტორსის ცენტრი;

5.5. მომსახურება გაწეულ უნდა იქნეს შემდეგი პირობების გათვალისწინებით:

5.5.1. შესაკეთებელი ავტომანქანის ტექ-მომსახურების გაწევის ადგილზე მიყვანისთანავე შედგება შესაბამისი დოკუმენტი, რომელშიც უნდა დაფიქსირდეს ავტომანქანის რეკვიზიტები და მიყვანის თარიღი.

5.5.2. მიმწოდებელი ვალდებულია, ავტომანქანის ტექ-მომსახურების გაწევის ადგილზე მიყვანიდან 2 (ორი) სამუშაო დღის განმავლობაში, აცნობოს შემსყიდველს ავტომანქანის შეკეთებისათვის საჭირო მომსახურების ჩამონათვალი, მისი ღირებულების მითითებით (დეფექტური აქტი/პროფორმა ინვოისი). თუ მომსახურების გაწევისათვის აუცილებელია დეფიციტური ნაწილის გამოყენება, აღნიშნულის თაობაზე ცალკე უნდა იქნეს მითითებული დეფექტურ აქტში.

5.5.3. დეფექტური აქტის მიღების შემდეგ შემსყიდველი უზაზვანის მიმწოდებელს დაკვეთის ფურცელს, რომელშიც ასახული იქნება ავტომანქანაზე გასაწევი მომსახურების ჩამონათვალი.

5.5.4. მიმწოდებელი ვალდებულია თითოეულ ავტომანქანაზე დაკვეთიდან 10 (ათი) კალენდარულ დღეში გასწიოს მომსახურება. გარდა 5.5.5. მუხლში არსებული გარემოებებისა.

5.5.5. თუ ავტოტექმომსახურება ეხება ძრავის კაპიტალურ რემონტს, სამღებრო-სათუნუქე სამუშაოებს და დეფიციტური სათადარიგო ნაწილით უზრუნველყოფას შესაძლებელია მომსახურების გაწევის დრო გაიზარდოს, მაგრამ არაუმეტეს 30 კალენდარულ დღემდე, რიგ შემთხვევაში, როცა დაზიანება საგარანტიო შემთხვევის კატეგორიას განეკუთვნება, რთული კატეგორიისაა, დაზიანებულია სტრუქტურულად ერთმანეთთან დაკავშირებული აგრეგატები, დასაკვეთია ნაწილი, შემსყიდველის მოთხოვნით მოწვეულია მიმწოდებელი უფლებამოსილია აცნობოს შემსყიდველს დამატებითი გონივრული ვადის შესახებ. თუ შემსყიდველის მოთხოვნით მოწვეულია ინსპექტირების ჯგუფი ან დანიშნულია სასაქონლო ექსპერტიზა, ამ ვადების დინება შეჩერდება შესაბამისი ვადით.

5.5.6. საცხებ-საპოხი მასალების, ფილტრებისა და სამუხრუჭე ხუნდების შეცვლისას მომსახურება გაწეულ უნდა იქნას ავტომანქანის ტექ-მომსახურების გაწევის ადგილზე მიყვანიდან 1 (ერთი) სამუშაო დღის ვადაში, იმ პირობით, რომ მიმწოდებლის სერვისის მენეჯერებთან წინასწარ იქნება შეთანხმებული ავტომობილის წარმოდგენის თარიღი და დრო. (რიგითობის განსაზღვრისა და დაგეგმარების მიზნით). შეთანხმებული დროის გადაცდენის შემთხვევაში შემსყიდველი ვალდებულია თავიდან განახორციელოს დაკვეთის დროის შეთანხმება.

5.5.7. მომსახურების დასრულებისთანავე, მიმწოდებელი ვალდებულია აცნობოს შემსყიდველს აღნიშნულის შესახებ, რაზეც შემდგომში შედგება მომსახურების მიღება-ჩაბარების აქტი. თუ მომსახურების გაწევა დასრულდა არასამუშაო დღეს, მაშინ შემსყიდველისთვის ცნობება უნდა მოხდეს პირველივე სამუშაო დღეს.

5.5.8. მხარეებს შორის ამ მუხლში აღნიშნული დოკუმენტებისა და ინფორმაციის მიწოდება უნდა განხორციელდეს წერილობით ან ელექტრონული ფოსტის მეშვეობით,

## 6. მომსახურების მიღება-ჩაბარების წესი

6.1. მომსახურება მიღებულად ჩაითვლება შესაბამისი მიღება-ჩაბარების აქტის საფუძველზე, რომელსაც შემსყიდველის მხრიდან ხელს აწერენ ხელშეკრულების პირობების შესრულების კონტროლის განმახორციელებელი პირები.

## 7. ფორს-მაჟორი

7.1 მხარეები თავისუფლდებიან პასუხისმგებლობისაგან ხელშეკრულებით განსაზღვრული ვალდებულების შეუსრულებლობისათვის, თუ ეს გამოწვეულია დაუძლეველი ძალით.

7.2 დაუძლეველი ძალა წინამდებარე მუხლის მიზნებისათვის ნიშნავს ისეთ გარემოებებს, რომლებიც არ არსებობდა ხელშეკრულების დადების მომენტისათვის, წარმოიშვა მხარეთა ნების გარეშე და მათი ქმედებისაგან დამოუკიდებლად და რომელთა კონტროლი აღემატება მხარეთა შესაძლებლობას. დაუძლეველი ძალა მოიცავს შემდეგ მოვლენებს. (მაგრამ არ შემოიფარგლება):

- სტიქიური მოვლენები (მიწისძვრა, წყალდიდობა, გრიგალი და ა.შ.);
- ხანძარი, დივერსიები, ხელისუფლების არამართლზომიერი გადაწყვეტილება;
- საომარი მოქმედებები;
- სხვა მოვლენები, რომლებიც არ ექვემდებარება მხარეთა კონტროლს.

7.3 მხარე, რომელიც ვერ ასრულებს ვალდებულებებს დაუძლეველი ძალის გამო, ვალდებულია აცნობოს ამის შესახებ მეორე მხარეს შესაბამისი გარემოების დადგომისთანავე, თუ ეს შეუძლებელი არ არის

იმავე გარემოების გამო. სხვა შემთხვევაში აღნიშნული მხარე არ თავისუფლდება პასუხისმგებლობისაგან ვალდებულების შეუსრულებლობისთვის.

## 8. ხელშეკრულების შესრულების კონტროლი

8.1. მიმწოდებლის მიერ სახელმწიფო შესყიდვების შესახებ ხელშეკრულებისა და მასში შემავალი დოკუმენტების პირობების შესრულებაზე კონტროლს განახორციელებენ სსიპ სურსათის ეროვნული სააგენტოს კონტროლის განმახორციელებელი ჯგუფის წევრები.

8.2. ხელშეკრულების პირობების შესრულების კონტროლის განმახორციელებელი პირ(ებ)ის ფუნქციაა მისაწოდებელი ან/და მიწოდებული მომსახურების მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

8.3. ხელშეკრულების პირობების შესრულების კონტროლის განხორციელება შესაძლებელია ხელშეკრულების შესრულების ნებისმიერ ეტაპზე.

8.4. მიმწოდებელი ვალდებულია უზრუნველყოს ხელშეკრულების პირობების შესრულების კონტროლის განხორციელებისთვის შემსყიდველის კონტროლის განმახორციელებელი პირ(ებ)ის სერვისში დაშვება და სამუშაო პირობების უზრუნველყოფა.

8.5. უხარისხოდ გაწეულ მომსახურებაზე ყველა გამოვლენილ ნაკლოვანებათა და აღმოფხვრასთან დაკავშირებული ხარჯების ანაზღაურება ეკისრება მიმწოდებელს ამ ხელშეკრულების, 2017 წლის 30 ოქტომბერს N10/10/PROC-2017 შედეგად გაფორმებული ავტომობილების ნასყიდობის ხელშეკრულებების პირობების და საქართველოს კანონმდებლობით დადგენილი წესით. იმ პირობით, რომ საგარანტიო პერიოდში შემსყიდველის მიერ დაცული იქნება საგარანტიო მომსახურების პირობების და 150 000 კმ გარბენზე თანმდევი საგარანტიო მომსახურების პერიოდულობა. ამ პირობების და პერიოდულობის დარღვევის შემთხვევაში მიმწოდებელი უფლებამოსილია ვადაზე ადრე შეუწყვიტოს საქარხნო გარანტია კონკრეტულ დამრღვევ ავტომობილს.

## 9. ანგარიშსწორება

9.1. მიმწოდებელთან ანგარიშსწორება განხორციელდება ეროვნულ ვალუტაში, უნაღდო ანგარიშსწორებით.

9.2. ანგარიშსწორება მიმწოდებელთან განხორციელდება 10 სამუშაო დღის განმავლობაში მიღება-ჩაბარების აქტის გაფორმებისა და სათანადო საგადახდო დოკუმენტების შემსყიდველისთვის მიწოდების თარიღიდან (იმის მიხედვით რომელი უფრო გვიან მოხდება).

## 10. ფასები.

ფასები განისაზღვრება დანართი N2-ს მიხედვით.

## 11. ხელშეკრულებაში ცვლილებების შეტანა

11.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები.

11.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

11.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების მე-4 მუხლით განსაზღვრული ღირებულების 10%-ზე მეტი ოდენობით გაზრდა.

11.5. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

## 12. პირგასამტეხლო ხელშეკრულების პირობების შეუსრულებლობისავის

12.1. მიმწოდებლის მხრიდან ხელშეკრულების გათვალისწინებული ვალდებულებების არაჯეროვნად შესრულების შემთხვევაში მას დაეკისრება პირგასამტეხლო ხელშეკრულების ღირებულების 0.02% ოდენობის შესაბამისი თანხით, ყოველ კონკრეტულ შემთხვევაზე.

12.2. ხელშეკრულების 4.3. მუხლით გათვალისწინებული ვადების გადაცდენის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 0.02%-ის შესაბამის თანხით ყოველ გადაცილებულ დღეზე.

12.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, მას დაეკისრება პირგასამტეხლო ხელშეკრულების საერთო ღირებულების 10%-ის ოდენობის შესაბამისი თანხით.

12.4. იმ შემთხვევაში, თუ 12.1. და 12.2. პუნქტის დარღვევის გამო დაკისრებული პირგასამტეხლოს ჯამურმა თანხამ გადააჭარბა ხელშეკრულების ღირებულების 1%, შემსყიდველს უფლება აქვს შეწყვიტოს ხელშეკრულება.

12.5. მიმწოდებელმა პირგასამტეხლოების გადახდა და აღნიშნულის დამადასტურებელი დოკუმენტის შემსყიდველთან წარმოდგენა უნდა უზრუნველყოს წერილობითი შეტყობინებიდან 10 დღის განმავლობაში.

12.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

## 13. გამოყენებული სამართალი და დავების გადაწყვეტის წესი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13.2. დამკვეთმა და შემსრულებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და ვადა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

13.3. თუ ასეთი მოლაპარაკების დაწყებიდან 30 (ოცდაათი) დღის განმავლობაში დამკვეთი და შემსრულებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს დამოუკიდებელ საექსპერტო დაწესებულებას.

## 14. ხელშეკრულების შეწყვეტა

14.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

14.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

14.4. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

14.5. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

## 15. სხვა პირობები

15.1. მომსახურება უნდა განხორციელდეს ხელშეკრულების გაფორმებიდან 2018 წლის 25 დეკემბრის ჩათვლით.

15.2. მხარეები თანხმდებიან, რომ ისეთ მომსახურებაზე, რომელიც არ არის ასახული აღნიშნულ ხელშეკრულებაში, განახორციელებენ ურთიერთშეთანხმების საფუძველზე, მაგრამ დაუშვებელია დანართი N2-ში ასახული ფასების ჯამური ღირებულების 10%-ზე მეტი ოდენობით გაზრდა.


15.3. წინამდებარე ხელშეკრულება ძალაშია ხელმოწერის დღიდან და მოქმედებს 2019 წლის 31 იანვრის ჩათვლით.

15.4. ხელშეკრულება შედგენილია ქართულ ენაზე სამ ეგზემპლარად და სამივეს აქვს თანაბარი იურიდიული ძალა.

**შემსყიდველი**

**მიმწოდებელი**

<p>ს.ს.ი.პ. – სურსათის ეროვნული სააგენტო</p>	<p>შპს „კია მოტორს“</p>
<p>ს.კ. – 205142200          თბილისი, მარშალ გელოვანის N6          სახელმწიფო ხაზინა          ანგ. № 200122900          კოდი 220101222</p>	<p>ს.კ. – 236096675          მისამართი: (ქ. თბილისი, დავით აღმაშენებლის          ხეივანი, მე-2 კმ; კია მოტორსის          ცენტრი);          მომსახურე ბანკი: ს/ს „ვითიბი ბანკი“          ბ.კ. – UGEBGE22          ა.გ. – 6E44VT 7000 0088 8888 3602</p>
<p>სააგენტოს უფროსი          ზურაბ ჩეკურაშვილი</p>	<p>დირექტორი          მსხეილ ბაჩიაშვილი</p>



დანართი #1

ხელშეკრულება N10/10/PROC-2017  
KIA FRONTIER

- 2.7 L diesel / 80ცმ მექანიკური
- სტანდარტული კაბინა 3 მგზავრისთვის
- საწვავის ავზის ტევადობა 60 ლ
- 3 ქიმიანი საჭე
- დაკიდება რესორული ტიპის
- რკინის დისკები (წინ:უკან) 195R14-6PR 5.00R12-8PR
- საქარე მინის ინტერვალური მწმენდავები
- მოწყობილობა მისაბმელისთვის
- გარეთა სარკეები კონვექსური ტიპის
- ანტენა ტელესკოპური
- იდაყვის საყრდენი
- საფერფლე სანთებელით
- ჭიქის დამჭერი
- ციფრული საათი
- რეგულირებადი თავის მისაყრდენები
- რეგულირებადი მძღოლის სავარძელი
- წინა მგზავრის სავარძელი ორადგილიანი კეცვალი საზურგით
- საჭის ჰიდროგამაძლიერებელი
- გათბობის სისტემა
- დინამიკები წინა კარებში
- მტვრის ფილტრი
- საჭის რეგულირება
- ბამპერი ავტომობილის ფერში
- მძღოლის სავარძელი რეგულირებადი
- ელ შუშები
- ცენტრალური საკეტი
- კონდიციონერი
- სანისლე ფარები

სატვირთო ძარის ზომები:

	გარე ზომები (მ)	შიდა ზომები (მ)
სიგრძე	3,15	3,07
სიგანე	1,8	1,72
სიმაღლე	1,8	1,72

- ✓ დახურული ტიპის უკანა ძარა თბოიზოლაციით და მაცივარ აგრეგატით აღჭურვილი (0 +8 °C)
- ✓ გარანტია მაცივარ აგრეგატზე 1 წელი
- ✓ გამოსაშვების წელი - 2015 წ
- ✓ მიწოდების ვადა 1 თვე
- ✓ საბაზო ავტომობილის (სამაცივრე ძარის გარეშე) ტვირთამწეობა - 1ტ

სულ: 30 400 (ოცდაათი ათას ოთხასი) დოლარის ექვივალენტი ეროვნულ ვალუტაში ანგარიშსწორების დღეს არსებული ეროვნული ბანკის ოფიციალური გაცვლითი კურსის შესაბამისად, საქართველოს მთავრობასა და ევროპის გაერთიანებულ კომისიას შორის 2007 წლის 18 ივნისს ხელმოწერილი ჩარჩო შეთანხმების საფუძველზე საგადასახადო შეღავათის გათვალისწინებით, კერძოდ, დამატებითი ღირებულების გადასახადის გარეშე.



ფასების ცხრილი (პრეისკურანტი)

N	დეტალების და მომსახურების ჩამონათვალი	განზომილება	დეტალის ფასი	მომსახურების ფასი
1	ძრავის ზეთი (სინთეტიკური)	ლიტრი	24	
2	ზეთის ფილტრი	ცალი	50	12
3	ჰაერის ფილტრი	ცალი	60	4
4	საწვავის ფილტრი	ცალი	84	12
5	წინა სამუხრუჭე ხუნდები	კომპლექტი	240	18
6	უკანა სამუხრუჭე ხუნდები	კომპლექტი	240	72
7	თვლების ნახარის რეგულირება	ცალი		48
8	ანტიფრიზი	ცალი	14	12
9	წინა ფარის ნათურა	ცალი	24	6
10	უკანა ფარის ნათურა	ცალი	6	3
11	სანისლე ფარის ნათურა	ცალი	30	12
12	საბურავის დაშლა- აწყობა ბალანსირება	ცალი		12
13	საქარე მინის საწმენდი	ცალი	48	2
14	აკუმულიატორი	ცალი	384	6
15	ცეპლენიის პლიტა	ცალი	270	590
16	ცეპლენიის დისკი	ცალი	360	590
17	ცეპლენიის საკისარი		105	590

შემსყიდელი

მიმწოდებელი

ს.ს.ი.პ. – სურსათის ეროვნული სააგენტო	შპს „კია მოტორს“
ს.კ. – 205142200	ს.ე. –236096675
სააგენტოს უფროსი ზურაბ ჩეკურაშვილი	დირექტორი გიორგი ბაჩიაშვილი



ხ ე ლ წ ე რ ი ლ ი  
ინტერესთა კონფლიქტის არარსებობის შესახებ

ჩვენ, ქვემოთ ხელის მომწერი ვადასტურებთ, რომ შპს „კია მოტორს ჯორჯია“-ს მიმართ ვაკმაყოფილებთ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

სსიპ სურსათის ეროვნული სააგენტოს უფროსი

იურიდიული დეპარტამენტი

საფინანსო-ეკონომიკური დეპარტამენტი

სახელმწიფო შესყიდვების სამმართველო

ხელშეკრულების პირობების შესრულებაზე კონტროლის განმახორციელებელი პირ(ებ)ი

პაატა მისაია

აბესალომ არჩემაშვილი

ლევან ცოტაძე

ზურაბ ჭეიშვილი

ლევან გიორგაძე